

Manifestacion dilanti Parlamento contra aceptacion di matrimonio homosexual



ORANJESTAD(AAN): -- Awe mainta dilanti di Parlamento a tuma lugar un manifestacion organiza pa un grupo cu ta yama nan mes "Comite na Defensa Di Nos Derechonan, Balornan y Integridad Humano". Segun representantenan di e Comite, nan a organiza e manifestacion pa bin na vanguardia di nos derecho, balornan y integridad Humano. Den e comite aki nos a ripara presencia tambe di diferente pastoor, kendenan tambe a bin manifesta. En total tabata tin alrededor di 80 manifestante, kendenan a entrega un carta na

Presidente di Parlamento Marlon Werleman, como tambe na miembro di Tweede Kamer, Jan Rijpstra kende ta presidente di e delegacion cu


a bin di Hulanda pa e Tripartite. E carta ta bisa cu e comite kier expresa su repudio encuanto e manera despota



cu algun di Parlamentario y Minister di nos madre tera Hulanda ta actuando contra di e derecho, libertad, cultura y principionan, etico-social-moral, y spiritual di nos pueblo. Den e carta ta pidi pa nos Gobernantenan identifica nan mes, demostrando ken ta ken, y di cua banda nan ta. Omision tambe ta un traicion. E comite ta pidi tambe pa Parlamento tuma e "Rijkswet" di Hulanda y pone un amandament na dje especificando cu hendenan di mesun sexo cu ta casa for di Aruba, no tin derecho di biba na Aruba como matrimonio, tampoco inscribi como matrimonio. Mester bisa si cu no tabata bunita pa tende e palabranan

mahos cu diferente di e manifestantenan tabata grita den direccion di representantenan di Reino Hulandes, ora cu nan tabata drenta bek den edificio di Parlamento. Despues di esaki bao canto di himno di Aruba, y algun himno di misa a grupo a bay dilanti oficina di Gobernador pa entregue un carta dirigi na su Majestad Reina Beatrix, pa pidi Reino y pueblo Hulandes pa mescos cu nos ta respeta na derecho como nacion liber, pa nan tambe respeta nos. Tambe e carta ta bisa cu "nos ta stima nos madre tera Hulanda, sinembargo nos ta sinti hopi tristo pa e manera con Hulanda ta perdiendo su balor moral y spiritual".

LADRONICIA!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Wire di
Aruba
**SPECIAL
PRIJS**